

ያዩቆቢ ፃፊዳ ኪታ ጌሉዋ

ሃ ኪታ ፃፊዳ ያዩቆቢ ጎዳ ዩሱሳ ኢሻፔ ኣቲን ታማኔ ላዑ ዩሱሳ ካሊያዋንቱፔ ኢቱዋ ጊደና። ኢካ ዩሩሳላሚን ደዒያ ኣማኒያ ኣሳ ካሌሊያ ጨማ (ጋል 2:9)። ሃ ኪታይ ፃፊቲዳዌ ኢቲ ዋሳ ጎሳቲው ጊደናን ሮሜ ካዉቲላ ጊደን ላሌቲዳ ኣዩሁዳ ኣማኒያዋንቱ ኡባቱዋሳ ጊዲዳ፣ ኩናካ ሃቼ ሃቼ ደዑዋ ካሌሊያ ቆፋቱዋ ኦይቄዳ። ፃፊቲዳዌካ «ኣላሚያ ኡባን ላሌቲዳ ያሳ ኣሳሳ»። ሃ ማፃፋ ፃፊዳዌ ኣጼዳ ኤራቲላ ኮኒ ኦሱዋን ፔሺያ ሂላኔ ኣማኒያ ኣሳ ኤሻኔ ሃኖታ ታማሪሲያ ኦጊያ ካሌሱዋ ኢሚያ ዩዋቱዋ ሚሲሊያዳን ቆንጨያን ቤሴ።

ሂዩሳቲላባ፣ ዱራቲላባ፣ ፓጨያባ፣ ሎጾ ኤሻባ፣ ቃናቲያባ፣ ኣማኑዋባኔ ሎጾ ኦሱዋባ፣ ኢንፃርሳ ማዲዋባኔ ቆሁዋባ፣ ኣጼዳ ኤራቲላባ፣ ኢቲ ኢቱዋና ዋላቄቲያባ፣ ኦቶሩዋባኔ ኣሺኬቲላባ፣ ሃራ ኣሳ ቦላ ፒርዲያዋ፣ ጨቁዋባ ዋይ ኣዩዋባ፣ ጌንጫባኔ ዋሳባ፣ ኣማኒያ ኣሳይ ደዓናው ቤሲያ ኦጊያ ኡባ ፃፊዳ።

ኪታይካ ኪሪሰቲና ደዑዋን ኣማኑ ኦሱዋን ፔሻና ሃኖታባ ቆንጨሲዳ ቤሴ።

ሺምፓቱዋ ኡባቱዋሲ ኢሜቲዳ ቃንላ ቆፋቱዋ

- ጌሉዋ (1:1)
- ኣማኑዋኔ ኣጼዳ ኤራቲላ (1:2-8)
- ሂዩሳቲላባኔ ዱራቲላ (1:9-11)
- ፓጨያ (1:12-18)
- ያሳ ቃላ ሲሱሳኔ ኦሱዋ ቦላ ፔሹሳ (1:19-27)
- ሃኔና ኦጊያን ኢቱ ሃራሲ ማዴና ማላ ኢሜቲዳ ኦዱዋ (2:1-13)
- ኣማኑዋኔ ኦሱዋ (2:14-26)
- ኣማኒያ ኣሳኔ ኢንፃርሳፔ ኬሲያ ሃሳያ (3:1-18)
- ኣማኒያ ኣሳኔ ሃ ኣላሚያ (4:1-5:6)
- ዲማ ዲማ ዩዉዋሲ ኢሜቲዳ ማቁዋ (5:7-20)

1 ታኒ ያዩቆቢ ያሳ ኣይሊኔ ጎዳ ዩሱሲ ኪሪሰቶሳ ኣይሊ፣ ቢታ

ኡባን ላሌቴዳ ታማኔ ላዑ ዜሬላቶ * ሳርታ ኪታይ።

ዳንዳያ፡ አማኑቀ፡ አዲዳ ኤራቴላ

2-3 ታናዳን ያሳ ካሊያዋንቶ፡ ሂንቲ አማኑ ፓጩቴያዊ ሂንቲንቶ ዳንዳያ አማናዋ ኤራዳ፡ ዲማ ዲማ ፓጩ ሂንቲና ጋኪያ ዋዳ፡ ሄዋ ኩሜንላ ናሽቻዳን ፓይዲቴ። 4 ሂንቲ ዳንዳያይ አይኔ ባሊ ባይናን ሂንቲና ማኔዳዋንታኔ ፓጩ ባዩናዋንታ ኦሴዳ፡ ባሬ ኦሱዋ ፖሎ። 5 ሺን ሂንቲፔ ኦኒኔ ባሬው አዲዳ ኤራቴላይ ቆዮፕ፡ ካዴናኒ ኡባው ከካቴላን አሚያ ያሳ ዋሶ። ኢ አው አማና። 6 ሺን ኢ አያኒኔ ሲዲናን አማኑቀን ያሳ ዋሶ። አዩሲ ጎፔ፡ ሲዲያ ኡራይ ጫርኩ ሱጊና ቃዲያ አባ ቤታ ማላ። 7-8 አዩሲ ጎፔ፡ ላዑ ቆፋይ ዳዲያ ኡራይ፡ ባሬ ኦጊያ ኡባን ባሬ ቆፋ ቃፕናዌ፡ ሄ ኡራይ ጎዳፔ አዩኔ ዳማናው ቆፖ።

ሂዬሳ አሳኔ ዲሬ አሳ ናሽቻ

9 ሺን ሂዬሳ አሻይ ያሳይ አ ቶቁ ኦሴዳ ዋዳ ናሽቶ። 10 ቃሲ ዲሬ አሻይካ ያሳይ አ ካዉሺሴዳ ዋዳ ናሽቶ። አዩሲ ጎፔ፡ ዲሬ ቢታኒ ማታ ጊዶን ዲጩያ ጩሻዳን ቆያና። 11 አዩሲ ጎፔ፡ አዋይ ባሬ ሴላና ኬሲዳ፡ ማታ ሜሊሲና፡ ጩሻይ ቆዩ፤ ቃሲ አ ማላ ሎዎቴላይካ ቆዩ፤ ሄዋዳንካ ቃሲ ዲሬ ቢታኒ ባሬዋ ኦሴዳ ቆያና።

አሳ ቦላ ጋኪያ ፓጩያ

12 ዋዩያን ጌንጩያ ኡራይ አንጃቴዳዋ፤ አዩሲ ጎፔ፡ ሄ ዋዩያ ያኔዳዋፔ ጉዩያን፡ ያሳይ ባሬና ሰቂያዋንቶ አማና ጌዳ ዳዑዋ አኪሊሊያ † ኢ አካና። 13 ኦኒኔ ፓጩቴዳ ዋዳ፡ «ታና ያሳይ ፓጩ» ጎፖ። አዩሲ ጎፔ፡ ያሳይ ኢታን ፓጩታናው ዳንዳዬና፤ ቃሲ ኢ ባሬ ሁጵው ኦናኔ ፓጩና። 14 ሺን አሳይ ሁጵያን ሁጵያን ባሬ ሁጵ ኢታ አሙዋን ጎሽቲያ ዋዳኔ ጩሜቲያ ዋዳ ፓጩቴ። 15 ሄዋፔ ጉዩያን፡ አሙ ሻሃሪዳ፡ ናጋራ ዩሌ፤ ቃሲ ናጋራይ ዲጩዳ፡ ሃይቁዋ ዩሌ።

16 ታናዳን ያሳ ካሊያዋንቶ፡ ጩሜቶፒቴ። 17 ሎዎ ኢሙዋ ኡባዩኔ ኩሜንላ ዋይታ ኡባይ ሳሉዋፔ ዩ። ሳሉዋ ፖዑዋ ሚዲዳ አዉዋፔ ዩ፤ ያሳይ ባሬ ሁጵው ዲማቴናኔ ዋይ ባሬ ኩዋ ላሚና።

* **1:1** ቢታ ኡባን ላሌቴዳ ታማኔ ላዑ ዜሬላቶ፡ ያዩቆባ ጊዳ ዳዲያ ቆፋይ፡ ጎዳ ካሊያ አማኒያዋንታ ጊዳዳ ታማኔ ላዑ ኢሰራዲሊያ ዜሬላቶዋዳን ባሬንቱ ዋርኩቴዋን ቢታ ኡባ ላሊቴ ጋኪዳዋንታ ጉሳ። **1:10** አሳ 40:6-7 † **1:12** ዳዑዋ አኪሊሊያ፡ ቦንቹቴዳ ዳዑዋ ጉሳ።

18 ኑኒ ኢ ማዲዳ ማዲታቱዋ ጊደን ዶቃሳ አካናዳን፣ ኑና ባሬ ሽኒያን ቱሙ ቃላን ዬሌዳ።

ሲሴዳዋ ኦሱዋን ፔሺያዋ

19 ታናዳን ያሳ ካሊያዋንቶ፣ ሃዋ ሃሳዪቴ፤ አሳይ ኡባይ ሲሳናው ኤሌሎ፤ ሺን ሃሳያናውኔ ሃንቄታናው ኤሌሎ። 20 አዪሲ ጎፔ፣ አሳ ሃንቁ ያሳይ ኮዪያ ዲሎቴላ አሄና። 21 ሄዋ ዲራው፣ ቱና ሃናታ ኡባኔ ኢታቴላ ኡባ ሂንቴፔ ጳዪሲዳ፣ ያሳይ ሂንቴ ዋዛናን ቶኩዳ ሂንቴ ሽምጥዋ አሻናው ዳንዳዪያ ቃላ አሺኬቴላን አኪቴ።

22 ሺን ያሳ ቃላ ኦሱዋን ፔሺቴፔ አቲን፣ ሲሳ ዓላላን ሂንቴ ሁጲያ ጨዋፒቴ። 23 አዪሲ ጎፔ፣ ቃላ ሲሲዳ ኦሌና ኡራይ ዳዎፔ፣ ኢ ባሬ ማላ ማሰቶቲያ ያሊያ ኡራ ማላ። 24 ኢ ባሬና ያሊዳ ቤ፤ ኤሌካ ኢ አይ ማሌንቶኔ ዶጊ አጌ። 25 ሺን ኦኒኔ አዪሌቴላፔ ኬሲያ ባሊ ባዪና ሂጊያ ያሊዳ፣ አኒ አቂያዌ ቃሲ አ ናጊያዌ፣ ሲሴዳዋካ ዶጌናዌ፣ ሄ ኡራይ ባሬ ኦሊያ ኦሱዋን አንጃታና።

26 ባሬ ኢንዓርሳ ናጌናን ባሬና ጨሚዳ፣ ባሬው ያሳ ጎዪኒያዋ ማላቲያ ኡራይ ዳዎፔ፣ አ ጎይናይ ማላ። 27 ያሳ አወዋ ሲንላን ፖኩ ባዪና ጌሻ ጎይናይ ሃዋ፤ ሄዌ ሃቃዌ ጎፔ፣ አታ አዉ ባዪና ናናቱዌኔ ዋዬቲያ አምዔቱዋ ማዳናዌኔ ሳዓ ናጋራ ቂታፔ ባሬ ሁጲያ ናጋናዋ።

2

ሂዬሳ ካቆናው ቤሴና

1 ታናዳን ያሳ ካሊያዋንቶ፣ ሂንቴ ኑ ቦንቾ ጎዳ ዬሱሲ ኪሪሰቶሳ አማኒ ዳዒዳ፣ ዳሙዋ ያሊዳ፣ አሳ ቦንቾፒቴ። 2 አዪሲ ጎፔ፣ ዋርቃ ሚጊዴዋ ዋሊዳ፣ ሎዎ ማዩዋ ማዬዳ ኢቲ አሳይ ሂንቴ ሺቁዋ ዮፔ፣ ቃሲ ጨርቃ ማዩዋ ማዬዳ ሂዬሳ አሲካ ዮፔ፣ 3 ሎዎ ማዩዋ ማዬዳ ቢታኒያ ሂንቴ አሊ ቦንቾዳ አ፣ «ኔኒ ሃዋን ኡባፔ ሎዒያ ኦይዲያን ኡታ» ጊዳ ቃሲ ሂዬሳ ቢታኒያ፣ «ኔኒ ሂኒና ኤቃሻ፤ ዋይ ሃዋን ታ ጌዲያ ማታን ሳዓን ኡታ» ጎፔ፣ 4 ያቲና ሂንቴ ሂንቴ ጊደን ሻኮቴላ ማዲያዋንታኔ ኢታ ቆፋና ዳዒያ ዳናቱዋ ጊዲኪቴዬ?

5 ታናዳን ያሳ ካሊያዋንቶ፣ ሲሲቴ፤ ያሳይ ሃ ሳዓን ዳዒያ ሂዬሳ አሳይ አማኑዋን ዱሬታናውኔ ባሬና ስቂያዋንቶ አማና ጌዳ ሳሉዋ ካዉቴላ ላታናው ዶሪቤኔዬ? 6 ሺን ሂንቴ ሂዬሳቱዋ ቶቼዲታ። ዱሬቱ ሂንቴና ቱጋዪያዋንታ ጊዲኪኖዬ? አንቱንቱ

ሂንቴና ዳናን ሞቲያዋንታ ገዲኪኖዬ? ⁷ ሂንቴው አሜቴዳ ሎዎ ሱንሳ ቦሪያዋንቱ ኡንቱንታ ገዲኪኖዬ?

⁸ ሺን ያሳ ማፃፋን፣ «ኔ ሾሩዋ ኔ ሁጲያዳን ሲቃ» ጌቴቲዳ ፃፊቴዳ ካቲያ ሂጊያ * ሂንቴ ፖሎፔ፣ ሎዎባ ኦሊታ። ⁹ ሺን ሂንቴ አሳ ዳሙዋ ፃሊዳ ቦንቸፔ፣ ናጋራ ኦሊታ፤ ቃሲ ሂጊ ሂንቴ ቦላ፣ ሂጊያ ሜንሌዳዋንቱዳን ፐርዳና። ¹⁰ አዩሲ ጎፔ፣ ኦኒኔ ሂጊያ ኡባ ናገዴ፣ አቲኖ ሜንሌያዋ ገደፔ፣ ሄ ኡራይ ሂጊያ ኡባ ሜንሌ። ¹¹ አዩሲ ጎፔ፣ «ዋሹዋፓ» ጌዳዌ ቃሲ «ዋጵፓ» ጌዳ፤ ሺን ኔጊ ዋሹማና ጳዮፔካ፣ ዋጵዳዋ ገደፔ፣ ሂጊያ ሜንላዳ። ¹² አሳ አይሌቴላፔ ኬሲያ ሂጊያን፣ ፐርዳ አካና አሳቱዋዳን ሃሳዩቴኔ ኡንቱንቱዋዳን ኦሊቴ። ¹³ አዩሲ ጎፔ፣ አሳ ማሪቤና ኡራ ያሳይ ማሪናን ፐርዳና፤ ማሮቴላይ ፐርዳ ያኔ።

አማኑዋኔ ኦሱዋ

¹⁴ ታናዳን ያሳ ካሊያዋንቶ፣ አቲ ኡራይ ባሬው አማኑ ዳዔ ጎፔ፣ ቃሲ አ አማኑዋ አ ኦሱ ኤሪሳና ጳዮፔ፣ አ አይ ጎሳኔ? አ አማኑ አ አሻናው ዳንዳዩ? ¹⁵ አቲ አሻይ፣ ዋይ አቲ ሚቻታ ካሎቶፔ፣ ቃሲ ኡንቱንቶ ኡባ ጋላሲ ሚያባይ ጳዮፔ፣ ¹⁶ ሂንቴፔ አቲ ኡራይ ኡንቱንታ፣ «ሳር ቤቴ። ታማ ሆሲቴ። ካሊዳ ሚቴ» ገዴ፣ ኡንቱንቶ ኮሺያዋ አማና ጳዮፔ፣ ኡንቱንታ አይ ጎሳኔ? ¹⁷ ሄዋ ዲራው፣ አማኑ ኦሱ ባይናን ባሬካ ዳዎፔ ሃይቄዳዋ።

¹⁸ ሺን አቲ ኡራይ፣ «ኔው አማኑ ዳዔ፤ ቃሲ ታው ኦሱ ዳዔ። ኔኒ ኔ አማኑዋ ኔ ኦሱዋፔ ሻካዳ ታና ቤሳ፤ ታኒካ ታ አማኑዋ ታ ኦሱዋን ኔና ቤሳና» ጋና። ¹⁹ ኔኒ አቲ ያሳይ ዳዔያዋ አማናሳ፤ ሄዌ ሎዓ። ፃላሄቱካ ቃሲ አማኒኖ፤ ያሻን ኮኮሪና። ²⁰ ኔኒ ኤያይ! አማኑ ኦሱዋፔ ሻኬቴዳ ጎሴናዋ † ኤራናው ኮያይ? ²¹ ኦ አቡ አብራሃዋ ባሬ ናዓ ዪሳቃ ያርሺያ ሳዓ ቦላ ዋሌዳ ዋዴ፣ ባሬ ኦሱዋን ዪሊቤኔ? ²² አ አማኑኔ አ ኦሱ አቲፔ ኦሌዳዋኔ አ አማኑ አ ኦሱዋን ፖሌቴዳዋ ቤዒኪ? ²³ ያሳ ማፃፋይ «አብራሃዋ ያሳ አማኑዳ። ያሳይካ ሄዋ አው ዪሎቴላን ፓይዴዳ» ጌዳዌ ፖሌቴዳ፤ ቃሲ ያሳ ዳቦ ጌቴቴዳ ኢ ዪሴቴዳ። ²⁴ አሳይ አማኖ ፃላላና ገዴናን፣ ኦሱዋን ዪሊያዋ ሂንቴ ቤዒታ።

* **2:8** ካቲያ ሂጊያ፣ ኡባፔ አፉዋን ጎዒያ ሂጊያ፤ ሃዋ ቢሌላይ፣ ካቲያፔ አሜቴዳዋ ጉሳ። ካቲ ኦኔ ጎፔ ያሳፔ አሜቴዳ ሂጊያ። **2:8** ዋግ 19:18 **2:11** ኬሲ 20:13፣ 14፣ ዛር 5:17፣ 18 † **2:20** ጎሴናዋ፣ ሃዋ ጉሳይ ሃይቄዳዋ ጉሳ። **2:21** ዶዎ 22:1-14 **2:23** ዶዎ 15:6፤ 2ኦድ 20:7፤ ኢሳ 41:8

25 ሄዋዳንካ ቃሲ ጨራታ ራዓባ ኪቴቶዋንታ ሞካዴ ሃራ ኦጊናና ኡንቱንታ ሞዩዜዳ ዎዴ፣ ባሬ ኦሱዋን ያላቤይኬ?

26 አዩሲ ጎፔ፣ ሹምፑ ሻኬቴዳ ቦላይ ሃዩቄዳዎ ጊዲያዎዳን፣ ሄዋዳንካ ቃሲ ኦሱ ሻኬቴዳ አማኑ ሃይቄዳዎ።

3

አንጻርሳ ናጊያዎ

1 ታናዳን ያሳ ካሊያዋንቶ፣ ኑኒ ሃራቴዎፔ አዲያ ፒርዳ አካናዎ ሂንቱ ኤሪያ ዲራው፣ ሂንቱፔ ጮራቱ ታማሪሲያዋንታ ጊደፒቴ።
2 ኑኒ ኡባዩካ ዳሮባን ባሌቶ፤ ኢቲ ኡራይ ባሬ ሃሳያን ሙሊካ ባላና ቆዮፔ፣ ኢ ባሬና ናጋናው ዳንዳዩያ ባሊ ባዩና አሳ። 3 ፓራቱ ኑሲ አዛዜታና ማላ፣ ቢፃላ ባርሲዴ፣ ኑኒ ኮዩያሳ ኡባ አንቱንታ አፊቶ። 4 ቤዒቴ፣ ማርካቤቱካ ቃሲ ሄዎ ከና ዎልቃማ ጊዲዴ፣ ጎቱዎ ጫርኩዋን ላጌቶፔካ፣ ኡንቱንታ ላጊያዌ ባሬዎ ኮዩያሳ ዛሪዴ ላጊያ ዌሪ ጉላ ሚላን ላጌቱዴ ቢኖ። 5 ሄዋዳን አንጻርሳይ ቦላ ጊደን ጉላ አሳቴላ ጊደፔካ፣ ዳሮ ዎልቃማባን ጨቄቱ።

ጉላ ታማይ ዋኒዴ ዎልቃማ ዎራ ጉዲ! አኬኪቴ።
6 አንጻርሳይካ ታማ ማላ። ኢ ኑ አሳቴላ ጊደን ኢታባ ኡባ ኦላና ዳንዳዬ፤ አሳቴላ ኡባ ቱኒሴ። ቃሲ ኑ ዴቡዎ ዎላካ ታማን ጉዴ፤ ጋናሚያ ታማን ኢ ጉዴታናዎ። 7 አዩሲ ጎፔ፣ ደዓቱዎ፣ ካፋቱዎ ዛሪያ፣ ቲራን ጎሹቲያ ሾሻቱ ዛሪያኔ አባን ዴዒያ ሜዴታቱዎ ዛሪያ ኡባ አሳይ አዲሴዳ፤ ቃሲ ኡንቱንቱካ አዴዲኖ። 8 ሺን ኦኒኔ አንጻርሳ አዲሳናው ዳንዳዩቤና፤ አንጻርሳይ ዎዲያ ማርዚ ኩሜዳ ጮቡ ጌና ኢታ ሜዴታ። 9 ኑኒ አንጻርሳን ኑ ጎዳኔ አዉዎ ጋላቴቶ፤ ቃሲ አኒካ ያሳ ማላቲዴ ሜዴቱዳ አሳ ሹቄቶ። 10 ኢቲ ደናፔ ጋላታይኔ ሹቃይ ኬሴ። ታናዳን ያሳ ካሊያዋንቶ፣ ሄዎ ሄዋዳን ሃናናው ቤሴና። 11 ፑልቱ ኢቲ ኦላፔ ማልዒያ ሃላኔ ጫሚያ ሃላ ፑልታናው ዳንዳዩ? 12 ታናዳን ያሳ ካሊያዋንቶ፣ ባላሲያ ጊያ ሚላይ ዎጋራ አዩፋናው ዳንዳዩ? ዎይ ዎዩኒያ ቱራይ ባላሲያ ጊያ ሚላ አዩፋናው ዳንዳዩ? ማዒኔ ማዒኔ ጊያ ሃላፔካ ማልዎ ሃላይ ኬሳና ዳንዳዩና።

ሳሉዎ አዴዳ ኤራኔ ሳዓ አዴዳ ኤራ

13 ሂንቱ ጊደን አዴዳ ኤራንቻዩኔ አኬካንቻይ ኦኔ? ባሬ ሎዎ ዴቡዎን ኦሴቴዳ ባሬ ኦሱዎ አዴዳ ኤራቴላፔ ዩያ አሺኬቴላን ቤሶ። 14 ሺን ሂንቱ ዎዛናን ጫሚያ ቃናቲኔ ዩርጊ ዴዎፕ። ቃሲ

ቱማቴላ ቦላካ ዋርዶቶፒቴኔ ኦቶሬቶፒቴ። 15 ሄዋ ማላ አዲዳ ኤራቴላይ ሳሎፑፕ ዋዲያዋ ጊዳና፤ ሺን ሄዌ ሳባባ፣ አሳዋ፣ ፃላሃቴዋዋ። 16 አዲሲ ሳፕ፣ ቃናቴኔ ዪርጊ ዳዒያሳን ዋላሳዪኔ ኢታ ኦሶ ኡባይ ዳዒ። 17 ሺን ቦላፕ ዪያ አዲዳ ኤራቴላይ ኡባፕ ካሴ ጌሻ። ቃሲ ሳርቴላ ደሲያዋ፣ አሺኬኔ ኤኖ ጊያዋ፤ ቃሲ ማርቴላይኔ ሎዎ አይፊ ኩሜዳዋ። ሲዲኔ ሎዎ ማላቴያ ኢታቴላይ ባዲናዋ። 18 ዲሎቴላ አይፊ ሳርቴላ ኦሲያዋንቱ ሳርቴላን ዜሬዳ ዜሬላፕ ቤቴዳ።

4

ሃ አላሚያ ኢታቴላ ደሴናን አጋናዋ

1 አላይኔ ዋላሳይ ሂንቴ ጊዳዋ ሃቃፕ ዪ? ኡንቴንቱ ዬዳሳይ ሂንቴ ቦላ ጊዳን ኦሌቴያ ሂንቴ ናሺታናው ዋልቃማ አሙዋ አሞቴያዋፕ ጊዳኔ? 2 ሂንቴ አሞቴታ፤ ሺን ዳሚኪታ፤ ዋዲታ። ሎይሊ ኮዪታ፤ ሺን ዳማናው ዳንዳዪኪታ፤ ዋላቁቴታኔ ኦሌቴታ። ሺን ያሳ ዋሴና ዲራው፣ ሂንቴ ኮዪያዋ ዳሚኪታ። 3 ያሳ ዋሴታ፣ ሺን ዳሚኪታ፤ ጋሱካ ባላ አጊያን ዋሴታ። ሄዋ ሂንቴና ናሺቲያዋን ፔሻናው ኮዪያ ዲራሳ። 4 ሲሚ ዋሹሚያዋንቶ፣ ሃ አላሚያና ዳቦቴያዌ ያሳው ሞርኬ ጊዲያዋ ኤሪኪቴ? አዲሲ ሳፕ፣ ሃ አላሚያና ዳቦቴናው ኮዪያዌ ኦኒኔ ያሳና ሞርኬቴ። 5 ዋይ ያሳ ማፃፋይ፣ «ያሳይ ኦናን ዋሴዳ አያናይ ዋልቃማ አሙዋ ኦሲ አሞቴ» * ጊያዋ ሂንቴንቶ ጮ ጊያዋ ማላቴ? 6 ሺን ያሳይ አዶ ኬካቴላ አሊዳ አሜ። ሄዋ ዲራው፣ ያሳ ማፃፋይ፣ «ያሳይ ኦቶሬቴያዋንታ ኢዲ፤ ሺን ባሬና ካዉሺያዋንቶ አዶ ኬካቴላ አሜ» ያጌ።

7 ሲሚ፣ ሂንቴ ያሳው ሞዴቴቴ። ያቴዳ ፃላሂያና ኤቁቴቴ፤ ኢ ሂንቴፕ ባቃታና። 8 ያሳኮ ሺቁቴ፤ ኢካ ሂንቴኮ ሺቃና። ሂንቴና ናጋራንቻቶ፣ ሂንቴ ኩሺያ ሜጩቴቴ። ላዑ ቆፋይ ዳዒያዋንቶ፣ ሂንቴ ዋዛና ጌሺቴ። 9 ቱጋቴቴ፤ ካዮቴቴኔ ዩኪቴ። ሂንቴ ሚቻ ዩኮ ላሚቴ፤ ሂንቴ ናሺቻካ ካዮ ላሚቴ። 10 ሳዳ ሲንላን ሂንቴ ሁሲያ ቶቺቴ፤ ቃሲ ኢ ሂንቴና ዶቁ ዶቁ ኦላና።

አሳ ቦላ ፒርዳናን አጋናዋ

* 4:5 «ያሳይ ኦናን ዋሴዳ አያናይ ዋልቃማ አሙዋ አሞቴ»፣ ያሳይ ኦናን ባሬ አያና ዋሴዳዌ፣ ኦሲ ሎዎ ቆፋ አሞቴያዋና። 4:6 ሎም 3:34

11 ታናዳን ያሳ ካሊያዋንቶ፥ ኢቱ ኢቱዋ ዘገርገር። ባሬ ኢሻ ዘገሪያዊኔ ኣ ቦላ ፐርዲያዊ ሂጊያ ዘገሪሬኔ ሂጊያ ቦላ ፐርዲያ። ኔኒ ሂጊያ ቦላ ፐርዲያ። ሂጊያ ቦላ ፐርዲያዋ ገዳሳፕ ኣቲን፥ ሂጊው ኣዘዘቲያዋ ገዳካ። 12 ሂጊያ ኢሚያዊኔ ፐርዲያዊ ያሳ ፃላላ፤ ኢ ኣሻናዉኔ ጳዲሳናው ዳንዳዬ፤ ሺን ኔ ሸሩዋ ቦላ ፐርዲያዊ ኔኒ ኦኔ?

ጨቁቴናዳን ኢሜቴዳ ዘሪያ

13 ሂንቴና፥ «ኦኒ ሃቼ ዋይ ዋንቲ ሄ ካታማ ባና፤ ሄዋን ላይላ ኡታና፤ ዘለዓናኔ ቃሲ ሚሻ ዋዲሳና» ገያዋንቶ፥ ቤዒቴ። 14 ዋንቲ ሂንቴ ዴዑ ኣያ ሃናኔንቶኔ ኤሪኪታ፤ ጉላ ዋዴው ሂንቴ ቤቴዴ፥ ጉዬፕ ጳዲያ ፔኦዋ ማላ። 15 ሄዋ ኣገዴ፥ «ጎዳይ ጎፔ፥ ኦኒ ዴዓና፤ ሃዋ ዋይ ሄዋ ኦላና» ጋናው ቤሴ። 16 ሺን ሂንቴ ሃዒ ሂንቴንቱ ጳቃቴላን ጨቁቴታ፤ ሄዋ ማላ ጨቁ ኡባይ ኢታ። 17 ሄዋ ዲራው፥ ሎዖባ ኦላናው ኤሪዴ ኦሌና ኡራው ሄዋ ናጋራ።

5

ዲሬ ኣሳሲ ኢሜቴዳ ሚኖ ዘሪያ

1 ሃዒካ ሂንቴኖ ዲሬ ኣሳቶ፥ ሂንቴ ቦላ ዪያ ቱጋው «ኣዬ! ኣዬ!» ያገዴ ዬኪቴኔ ዘላለቴ። 2 ሂንቴ ዲሬቴላይ ባይዲጌዳ፤ ቃሲ ሂንቴ ኣፊላካ ቢልዓይ ሚዲጌዳ። 3 ሂንቴ ዋርቃይኔ ሂንቴ ቢራይ ሺዒ ዲጌዳ። ቃሲ ሄ ሺዓይ ሂንቴ ቦላ ማርካታና፤ ሂንቴ ቦላካ ታማዳን ማና። ሂንቴ ሂንቴ ሚሻ ሲንላው ዳጋይ ዴዒታ። 4 ኣኬኪቴ፤ ሂንቴ ጋዴን ካላ ቆይጨዳ ኣሳቶ ጨገቤና ኪራ ሚሻይ ዋሴ፤ ኡንቴንቱ ዋሱ ዋልቃማ ጎዳ ሃዩላን ሲሴቴዳ። 5 ሂንቴው ኢንጃቴና፥ ሳዓን ኢሻሊዴ ዴዒዲታ፤ ሹካ ጋላሳው ዲኪያዋዳን፥ ሂንቴ ቦላ ዲኬዲታ። 6 ያሎ ኣሳ ቦላ ፐርዴዲታ፤ ቃሲ ኣ ዋዴዲታ፤ ኢ ሂንቴናና ኤቁቴና።

ጎዳ ላዒንሶ ዩሳ ዳንዳያን ናገያዋ

7 ሄዋ ዲራው፥ ታናዳን ያሳ ካሊያዋንቶ፥ ጎዳይ ያና ጋካናው ጌንጨቴ፤ ቢታ ጎሺያዊ ኣዲሊያ ኢራይኔ ኣሱራ ኢራይ ያና ጋካናው ጌንጨዴ፥ ኣልዖ ካላ ኢ ዋቲ ናገዴ ጋሊ ኣኪንቶ ቤዒቴ። 8 ሂንቴካ ቃሲ ጌንጨቴ፤ ሂንቴ ዋዛና ሚኒሲቴ። ኣዬሲ ጎፔ፥ ጎዳ ዩሳይ ማታቴዳ።

9 ታናዳን ያሳ ካሊያዋንቶ፣ ያሳይ ሂንቲ ቦላ ፒርዴና ማላ፣
ኢቱ ኢቱዋ ቦላ ዙዙዋፒቲ። በዒቲ፣ ፒርዲያዌ ፔንጊያን ኤቄዳ።

10 ታናዳን ያሳ ካሊያዋንቶ፣ ዋዪያሲኔ ገንጫሲ ለሚሱዋ
ጊዳዳዋንታ፣ ጎዳ ሱንላን ሃሳዬዳ ናባቱዋ ሃሳዪ። 11 በዒቲ፣
ዳንዳዪዳ ገንጫዳዋንታ ኮኒ እንጃቲዳዋንታ ጌቶ። ኢዮባ
ገንጫ ሂንቲ ሲሴዲታ፤ ቃሲ ጎዳይ አው ዉርሴላን አሜዳዋካ
በዔዲታ። አዪሲ ጎፔ፣ ጎዳይ ማርታይኔ ቃሬታይ ኩሜዳዋ።

12 ሺን ኡባፔ ካሴ፣ ታናዳን ያሳ ካሊያዋንቶ፣ ሳሉዋን ጊዲና፣
ዎይ ሳዓን ጊዲና፣ ዎይ ሃራ ጫቁዋን ጊዲና፣ አያንካ ጫቆፒቲ።
ሺን ያሳ ፒርዳን ሂንቲ ጌሌናዳን፣ ሂንቲ ዬዉ ኤ ጊያዋ ጊደፔ፣
«ኤ» ጊቲ፤ ጊዳና ጊያዋ ጊደፔ፣ «ጊዳና» ጊቲ።

13 ሂንቲ ጊደን ዋዬቲያ ኡራይ ኦኒኔ ዳዎፔ፣ ያሳ ዎሶ፤ ናሹቲያ
ኡራይ ኦኒኔ ዳዎፔ፣ ዩዲዳ ጋላቶ። 14 ሂንቲፔ ሳኬቲያ ኡራይ ኦኒኔ
ዳዎፔ፣ አማኒያ አሳ ካሊሴያ ጨማቱዋ ባሬኮ ዪሶ፤ ኡንቲንቲ ጎዳ
ሱንላን ዛይቲያ አ ኦኪዳ፣ አው ያሳ ዎሲኖ። 15 አማኑዋን ያሳ
ዎሴዳ ዎሳይ ሃርጋንቻ ፓላና፤ ጎዳይካ አ ሃርጊያፔ ዳንላና፤ ቃሲ
ናጋራ ኢ ኦሴዳዋ ጊደፔካ ጎዳይ አው አቶ ጋና። 16 ሄዋ ዲራው፣
ሂንቲ ፓፃና ማላ፣ ሂንቲ ናጋራ ኢቱ ኢቶ ፓዲቲኔ ኢቱ ኢቶ ያሳ
ዎሲቲ፤ ዪሎ አሳ ዎሳይ ዎልቃማ ኦሱዋ ኦሴ። 17 ኤላሰ ኑ ማላ
አሳ። ኢራይ ሳዓን ቡኬናዳን፣ ኢ ሚኒሲዳ፣ ያሳ ዎሲና ሄዙ
ላይላኔ ኡሱፑን አኒና ሳዓን ኢራይ ቡኪቤና። 18 ላዔንሉዋ ያሳ
ኢ ዎሲና፣ ሳሉዋፔ ኢራይ ቡኬዳ፤ ሳዓይካ ባሬ ካሳ ሞኬዳ።

19 ታናዳን ያሳ ካሊያዋንቶ፣ ሂንቲፔ ኦኒኔ ቱሙዋፔ ዎራ ቦፔ፣
ቃሲ ኢቱ አ ጉዬ ሄ ቱሙዋኮ ዛርፔ፣ 20 ናጋራንቻ አ ባላ ኦጊያፔ
ዛሪያ ኦኒኔ አ ሹምፑዋ ሃዪቁዋፔ አሻናዋኔ ዳር ናጋራ ካማናዋ
ኤር።

5:11 ዮብ 1:21-22፤ 2:10፤ ማዝ 103:8 5:17 1ካት 17:1፤ 18:1 5:18
1ካት 18:42-45 5:20 ሌም 10:12፤ 1ጵፅ 4:8

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source
files dated 29 Jan 2022
585b63ca-b8e6-55c8-bfef-10bdc95ad69c